

盤洲文集


四



王詩文集卷第二

古詩四十六首

擬古十三首



行行重行行

行行重行行南北各倦游昔人重別離一日嗟三秋  
如何三秋暮相見尚悠悠方寸正紆軫何以寫我憂  
仰瞻衡漢移俯對蘭菊遂臭味雖云同光塵若爲異  
迴風淒且發飄我別時被欲知長相思披衣不勝體

青青河畔草

盤洲文集一

一

田氏

淵淵錦中意粲粲未盈幅藁砧天涯刀頭誤行人  
郤鑑怨新眉誰教遠山綠

青青陵上柏

青青陵上柏構構庭中竹人壽能幾何譬彼電過目  
一觴命晤交且以慰心曲駕言長安游川光晨可掬  
神州何赫赫高城矗延屬嶢榭千星斗彫桷錯珠玉  
鱗鱗王公第華纓夾繡轂放懷於槃虞端憂竟誰逐

今日良宴會

今日良宴會朋簪故人家搖情綠綺琴度曲漁陽撾  
放歌掀醉矯語粲春葩列坐各知心游揚相蔭牙

芬芳須及時東扶忽西斜胡不厲逸翻天津問仙槎  
無爲甘寂寞痼疾守煙霞

西北有高樓

西北有高樓但寒軼千門綺櫳納飛月璧璫凝翔雲  
上有絃歌女哀聲啓鶯唇誰能爲此曲無乃返香人  
一章三致志脩蛾有餘顰不惜饒清響暗驚深上塵  
所悲聽者心中無涇渭分願作南冥鳥夕飲玉池津

涉江采芙蓉

涉江采芙蓉  
桂蕡芳蕤蕪蕪  
洲相思不相見芬香欲誰遺  
秋容感人心浪浪睫涵淚不如膝上琴哀音入君耳

盤洲集一

二

田氏

明月皎夜光

明月皎夜光瑟瑟扇商籟衡紀直西踵雲章斜方界  
感彼林薄凋歲律倏六邁蜻蛚誰汝憐悽悽鳴戶外  
昔我耐父朋著鞭道方泰尉藉繒縞輕金蘭舊盟改  
東井不及泉須女無儔配君看貢公慕白頭媿傾蓋

冉冉孤生竹

冉冉孤生竹成陰幽谷中聿來君子室葛藟施喬松  
喬松千百尋攀附猶可窮思君江水深褰裳難往從  
同心而偏棲媿彼靡宵鴻灼灼芙蓉花凌波媚芳風  
非不努力愛秋至無歸鴻昔盟儻不寒誰歎父西東

庭前有奇樹

庭前有奇樹黃鳥巢其枝之子不顧返失此熙春期  
采采采盈芻夕風已紛披路遠悵莫致雖多亦奚爲

迢迢牽牛星

迢迢牽牛星皎皎停梭女尋盟鑿瑤轡緘情遵漢渚  
欣讌未斯須別愁眉已度黃月不我留殘機忍重顧  
翻羨巫山雲朝朝楚王遇

人生不滿百

人生不滿百蟪蛄等春秋花月多風雨何不蠟屐游  
朱光忽以馳退舍未易留生前一杯樂難與昧者謀

臨流羨芳沚歡言泛輕舟

孟冬寒氣至

孟冬寒氣至衝風一何厲宿楚失故陰思蠅柱聲哀  
嚎客來門冬冬袖有尺書遺一讀淚先零再讀心已  
醉妾如初開花君如長流水花挽水回難水捐花去  
易流水何時休春榮難久恃

明月何皎皎

明月何皎皎舒光瑩葱綺宛轉羞空床披軒步庭際  
故愛同一心新愁今兩耳咫尺相會難若若千里  
况復千里闊憂端無窮已

謝洪慶善提刑遺法帖

紛紛渴驥競秋蛇鐫鏹收拾恨名家吾宗尺牘擅天下年來野鶩誰肩差庭前書帶凝寒綠架上牙籤富新<sup>上</sup>中藏墨妙更奇奇長物不留沾臍馥生平小楷拘蠅頭豈知蠻尾與銀鈎從今已辦筆成塲學奇還許登門不

春思

自聞郊外景多病負年光沐兩桃容膩耽春蝶興狂幽期知我背遲日爲誰長一枕虛牕寂爐煙續舊香

晚望

李清江集

四

田成

古堞高亭暮登臨遠眺時菊房樓渥露荷蓋偃清漪  
導諸歸鴻集投林嘵犹悲閨情聊繪句獨立自遲遲

欲雨

雨意茁琴床桃笙驟覺涼衝飈方賈勇藻景翠韜光  
去室憐鳩婦封閭看蟻王青燈可吾伴黃卷任更長

客至

閨關聽剥啄有客款蓬蒿譚麈萬人敵詞源八月濤  
園蔬供菜甲盤寶餚桃毛冷淡琴書味由來屬我曹

秋懷二首

送喜得新涼秋情未慙忘弱枝紅皺重平野碧滋長

林迥蟬初亂籬踐菊自芳吟成轉蕭瑟徑醉任蒼蒼  
愁緒苦繁人寒蟹殆叵聞瓜疇殘蔓去蘭畹秀蕤薰  
遠水涵秋態餘霞冠夕曛揚揚今夜月獨與廣庭分

送人之姑蘇

吳門千里役別話不堪聞暫發參商歎長懷星斗文  
菊叢黃彩亂槐路綠行分日暮書郵至冥鴻接暮雲  
典邊簪筆侍書公雅意薰風殿閣待誠懸

送吳傳朋知盱眙

龜山其下古淮濡上駟駿駿穩著鞭千里八年聞阜  
蓋九重一旦下青氊名郎他日曾趨禁靜鎮今朝疊  
方福州生日行

雪峰高高雪如許海門潮生浪吞浦郎罷携園街西  
東到處歡然聞好語舊日大官多養蒿民詞獄寄充  
官曹橫行阡陌喧夜鼓唯征關市析秋豪只今事事  
無長蠹五月政成歌召父尺一方來問鳳儀魁三使  
漏聯鴛羽三山岌葉摩曾墨便是方丈蓬瀛中他年  
圖畫凌煙了却向山中訪赤松

謝唐守送朱櫻二絕句

鈴齋一樹滴階春翻走馬盤贈野人欲進翫生呼伯  
雅却無樊素啓丹唇

乳酪醍醐僻郡無多酸梅子。豈吾徒香攀翠籠青寢出舊事從誰說上都。

荅林神童

使覩終童英妙時楚然街袖出明璣家聲不詫大哉問文律何愁知者希。益利鋒鎚臨大敵養成羽翼看高飛紅塵可厭忙車馬。挹取西山爽氣歸。

海棠花二絕句

雨灌吳粧膩風催蜀錦裁自嫌生較晚不得聘寒梅。  
金城記黎峯常云欲令梅聘海棠振子昌櫻桃及以  
芥嫁第恨時不同然牡丹酴醿楊梅枳杷盡爲友

鴨殼非難致鱗胎業已成夜深寧覓睡相照月偏明。

盤洲集一

六

田成

張寶就印錄寶使子弟常巡市乞取雞鴨卵殼雞卵  
以煮藥鵝卵以金絲織海棠花名鱗胎蓋醉後畏酒  
時多用之

瑞香花

袞袞香渺次第開結根幽獨謝紛埃芳蓉始入鴛鴦  
社異馥清傳錦繡堆睡裏魂交非自行醒時心賞可  
無猜品題盍在春林石不是花王喜後來。

題信州吳傅朋郎中游絲書

上饒耽俗醇且古平室鳴弦方按堵黃堂丈人今循  
良河南治平追臯祖訟棠留景分清陰爐篆芳羊燕  
寢深笑談了却邦人事遊戲翰墨惟書林自從真行

易篆隸草聖書絕馳極摯游雲驚龍初振奇渴驥怒  
貌爭作勢臣中第一茲謂誰寥寥典則其幾希丈人  
尺牘妙天下咸去收拾生光輝作古要湏從我始直  
欲名家自成體手追心摹前無人一掃塵蹤有新意  
縱橫經緯生骨中落紙便與游絲同繅甕繭車飛白  
雪織簷蛛網破清風一行一筆相聯屬姿態規撫駁  
凡目臨池漫勞三十年千兔從教後人禿舊聞呂向  
連錦書百字環寫縈髮如惜哉淟汨已無考盍使北  
面稱臺輿獨步不復名相甲端恨二王無此法只今  
四海書同文使者來求至將押

雪詩用晁無咎韻

密雪舞冬晝初寒友夏炎竹枝低未濕梅萼瑩先霑  
怯冷昂肩立欣繁矯首瞻隨風方北渡際海必東漸  
軒簸來如摻纊紛勢轉嚴枯荄新點綴曲砌巧增添  
伺際花穿戶承隅箸插簷高飛迷皎鶴夜影逼清蟾  
砧淨絹橫石忽虛粉雜奩岷丘千壁碎武庫五兵兵  
煙徑柳吹紫香蹊蝶翥鱗鯢陸骨腐鳩鷺野野  
白髮秦人遯厖眉漢尉潛漬蠶功孰及平地瑞初占  
窰臥行人節門扃志士恬已甘穿履困矣避寇還嫌  
醉慕雙鶩畢寒懷五綺廉飄颻疑宓子刻畫謝無盡

河闊疑新浪峯高失舊尖山陰賓欲返淮右寇將殲  
穆蒲三章著宣溫五板兼君恩捐衛粟天意絕齊若  
江上襄堪畫難間望可覘客觀眸已眩兒咀手頻拈  
足沒尋萱屐腰閑刈藿鍊馬馳毛愈素烏啄首難黔  
凍折騷人筆光臨織婦幘蠻頓半寧待火疫禦誰煩砭  
甲長寒蔬細根肥宿麥纖年豐雖欲頌神助愧江淹

前韻雖險用之未盡掇其餘復成三百言

一苦寒威重清晨雨脚蠶嚴風號宇宙霏雪下閭闈  
布地蓋初撒穿帷粉乍黏裴回輕點袖繁積蒲盈檐  
騁巧飄雖急乘危勢或沾梨花芳小圃桂魄射蹊簾

煙濕茶翁竈竿低酒舍帘清泉埋沼沚蒼幹聳梗柂  
玉匝齊君履銀封魯國詹盆收新琢璧瑩未裁縫  
木杪疑飛絮江干雜秀蒹芷隨雲陣合未放日光遲  
處壯山屠虎高興澤殪蚺重蘋聞折木邃野絕飛鶴  
隼擊翎添厲鱗藏口敢喰狼隨姐浦駕鵠集叔才告  
授簡詞旨敏乘車海若謙漢傳王母絳周貢丘儉  
切

山甜王駿師方整高昌衆欲燁漢光開帝業蘇烈貫  
兵鈴豹曳荆人罵牙抽孫子籞膚寒方起粟羊坼正

憂艤挾纊冬裘燠傾罍夜飲厭寒光欺寶鑑素質奪  
朱綬犬喜蹄方逞兒餐舌未箝梅林催醴豔壠長

斬斬置兔難採穴义魚已漑鬻鷗蹲飢愈噪馬縋凍  
難甘見覲將消釋歌詩興僂愴妍辭慚謝客詎敢示  
群僉

用雪詩韻謝三外弟見和

我昔攜李寓君方錫山潛欲馳咫尺書駛足無飛廉  
相望參與商引首徒遐瞻揭來萍梗蹤遠野得芻蕘  
獲與譚壘接何詢龜筮占青山整煙鱗澄波開鑑奩  
喬松與恆柏如虬老龍驕悠然一望間野色皆可覘  
范甑飛埃塵墨委寒不黔好友豈厭頻雞黍供炊燭  
外家三遺珠纓脫皆囊尖交情謝流俗不問涼及炎

着鞭挹清風從者屢我淹高論極根源師友識所漸  
大略擁治忽細談析毫纖皮裏有陽秋褒貶追齊殲  
古稱學如殖秋成觀執鏹吾罿董夫子家居下帷幙  
言經雖敗績寧防整冠嫌抽軋強成章句鄙不任拈  
骯髒且艱澁疵瑕費鍼砭君詩粲珠琲光焰古人兼  
詎覆僉父酒不道胡兒盞陳檄愈頑疾杜詞逐寒砧  
輕縫邊幅富健筆鋒鉉銛語句既遒麗格律何森嚴  
我窮思已竭君方涌泉添三峽爭倒流未肯波瀾恬  
鉏牛愧非正尚期膏馥沾吟罷覺夜永明牕耿孤蟾

應侯一語幽宣后長信蒙牽徙賓陽秦室無親類豪  
傑償箕誑語亦其常

侯生

淮陰東手九江閑誰信功成頰舌間不惜鴻溝分二  
國太公今日得生還

楚懷王

武關謀詐却稱臣冤魄游魂尚在秦墓木蕭條冢猶  
濕流聞其子作婚姻

讀戰國史

折足黥徒未易欺簣中死士亦何爲舞齊斷首龐涓

並五胡亂華  
死禍報由來不可知

讀召公世家

齊晉瓜分四國王贏秦爲呂芻爲黃六雄當日皆新  
主獨有甘棠澤未亡

穰侯

推轂曾聞薦武安威伸三晉走邦蠻廁中大勦圖穰  
奪猶道藏兵不出閨

王單

齊主輕志在莒時解裘淄水遽相疑若無昭勃明勲  
業幾使功臣枉見夷

長平

一敗長平振古無趙邦臣主亦何愚當時已中馮亭  
計猶自區區遣鄭朱

春申君

珠復三千盡在門爭無國士解銜恩棘門難作無遺  
類死黨寧聞報李園

題陳體仁判官休齋

翔纓彩組盍中留綠水芙蓉且漫游過耳從教干不  
是處心渾欲一宜休爐中異馥非常多愛架上新籤弟  
外求寂寂掩扉無所事飽聽風竹韻涼秋

次韻陳體仁惠詩并示遊山詩卷

人生名利場羈絆無休假況迷鴈鶩行夢寐雞豚社  
見謂游子欺更防官長罵何如山中樂松牕肆嘉話  
陳侯青雲客英聲蜚口下當年金馬門掉鞅示閒暇  
小試芙蓉池未整驪駒駕台櫛十日行樛蘿若相逐  
來歸揅古囊篇篇可圖畫傾耳金石聲鄭衛敢爭霸  
縛強顏文墨受意烏

次韻李舉之縣丞秋日偶成

當年使節反穹廬解綬歸來得少娛底事微官又繁  
朝來傾耳得街談頗說塵容亦可歎從事未知三尺

守醉心空向六經酣

官途陸陸未回車秋桂春蘋緜緜負渠自送飛鴻千里  
去故山應草絕交書

筆底淵源萬頃多卷中句法不隨波單思正作青雲  
計寡和聊成白雪歌

次韻題謝景思少卿藥寮

壯歲揮金邁三疎眼看餘子伏鹽車芷蘭清馥渾納  
佩芝木新苗幾荷鋤剗作好詩傳近體誰言巧官勝  
閑居北窓睡起琴聲寂便若身登太皞墟

盤洲文集卷第一

盤洲文集

十二



蔡瞻明寺丞有詩見簡次其韻

漱芳傾液飽心餉父矣高名在郢中遂請叢祠方養氣卜居蕭寺且談空結交許入芝蘭室招隱奚須桑苧翁妙語鼎來驚剝見益慚白不過河東

酬李舉之

象載凝華落筆工一時英妙盡居中交情耐久惟同味詩意求新更鑿空揮麈寧談阿堵物聯珠不數囁嚅翁文成間被雞林得復有聲名到海東

次韻曹功顯耶承賞梅

紛紛凡卉怯嚴冬獨有清姿對雪中拂幌更宜粧嫵媚巡簷誰憚履穿空南來未見傳聲使東望方思避俗翁聞道聯鑣得幽趣無因同醉玉西東

次韻李舉之立春四絕句

東皇先遣雪清塵一夜山川眼界新共喜太平今有

象更將歌舞爲迎春

三冬文史總空虛獨有施行寬大書坐對南墻千箇竹何妨留客煮園蔬

雪後蹤梅正壓枝春來朝日已暉暉凝兒公事何時

了一醉花前心似飛

他鄉春日思如何屏去茶甌任睡魔且得小憇成好夢片時江上逐煙蓑

次韻蔡瞻明惜花五絕句

底事春愁減玉肌誰能獮體爲扶裹可憐傍巘臨池覩非復嫣然一笑時

無情誰似東風薄相見那思雪夜初欲把紅顏借桃杏便教枝上白紛如月地雲階滿意開牽花準擬尚裴回抗瓊解佩已仙去駭綠紛紅徒後來

試因子墨賦瓊姿獨記朝容在一披著粉直嫌粧太白只今何似夢中時一聲橫笛曉林空知是春風十日東來歲花時在何覩採芳還有幾人同

陳體仁以心清聞妙香作詩惠末利花香次

韻爲謝

塵勞昏獨志祿利蠹良心掃地香一爐澹然清興深假寐頃刻間煙霏遂盈襟聯翩珊瑚鉤逼人何駸駸東風將小雨一夕池中平春聲在疎竹琅琅有餘清公退遠世氛心地莫與京寶薰凝寂牕爲君尋鷗盟

臯觀拜嘉沉名香如前聞塵容方一洗藻思期三薰

久坐欣有得飄飄欲凌雲都良興迷迭芳馨此其分

英英末利花素蕤馥清曉誰將煮水沉採擷得奇妙

吾非范蔚宗品題能了了雜佩颺報酬蕪音發謠笑

春日紫宸朝合殿榮天香玉筍粲風采鷄舌相芬芳

陳侯金闈彥指期造鵠行安能久鬱鬱俛首回剛腸

偶得梅一種踈枝清香附萼之花五出與江

梅無異但花色微紅而五出之上復有一重

或十葉或九葉他日皆並蒂雙實俗呼爲鴛

鴦梅昔上林有趙昭儀所植同心梅疑即此

也因成四絕

却月凌風一種香更勻粉面作紅粧枝頭自結鴛鴦

社爲倩東風謝海棠

重重香薦故多情索笑初聞帶薄醉翻恨前村雪深

處一枝幽獨太憇生

客子逢花心欲灰異方初見眼還開故應臨水橫斜

日曾作于飛一念來

開花已作鴛鴦侶著子還成鴻鴈行舊日同心上林

種至今千載亦流芳

次韻蔡瞻明登巾山三絕句

朝來麥氣冠曾丘急雨驚風正麥秋要得雲軒聊放  
目何妨松徑暫低頭

名韁局促祇懷慚飄忽熙春月過三矯首白雲千里  
外此心無日不江南

好句耽翻見未曾品題今日欠鍾嶸登臨自有江山  
助豈是胷中不得平

得二弟消息

倚欄春晝靜花柳自芳香消息三州遠塵埃兩地忙  
鶴聲傳近喜鴻影憶初行抄得新書策歸時補墨莊

次韻李舉之風雨中書事四絕句

卷之三

四

田氏

掛壁鳴琴久斷絃強反書帙本相便詞源顧我非流  
峽藻思如君已掞天

雨勢風聲何太雄群山答響亂賁鏞青奴今夕安用  
汝玉友此時留得儂

愁號通夕攬空虛好夢那能到玉除枕上泰然無一  
念只愁雨滴架中書

向曉登樓凭小欄蕭然歸興在江干癡兒未了公家  
事且把雲山子細看

次韻蔡瞻明秋園五絕句

芥毛金爪勇難干肯作霜花對乍寒若說乘軒有癡

鶴司晨如此合我冠

鷄冠

翔仞當年覽總波傳芳花品未思歸晚來霧鬢凭暫處直恐金翹相對飛

金鳳

澤蘭萱草比多言謂汝分陰夕奪鮮政恐淇園脩竹勁不如秦嶺老松堅

芭蕉

高標幽艷自宜霜弱草繁葩莫中傷肯與紅蓮媚三夏要同黃菊向重陽

芙蓉

臨風裛露早秋天範出南金色更鮮若向東籬比標格定知花市不言錢

宿佛窟寺

卷之二

五

留良

籃輿登佛窟高閣望中清古木爾許蔭飛泉無限聲雨消今日暑雲作晚來晴獨對青山父相逢如有情

過瑞巖寺示勝上人

空照禪師嘗坐一石長  
巖後莫受人瞞時有瑞氣金輝映燭  
巖下因以名巖而號其石曰惺惺石

逗曉亂山中來尋古佛宮荷間留夜雨松下進秋風瑞氣舊如許巖縫今亦同惺惺有盤石應記主人公

惺惺石

簿領久沉迷誰能不忍欺我來慚此石拈出問吾師

滴滴泉

石罅來泉滴松風雜澗聲天明有公事還憶此時清

題靈石寺并簡景思

聞道飛來石當年却畔亡煙杉行之行列客路風竹護禪房有酒對玉塵無詩夸錦囊塵纓自羈束真賞負山光

夜飲藥寮次景思韻

主人知我樂郊居藥圃嘉招走尺書笑語北邊欣促席醉歸林下却却去之肩輿正聞鴈過猿啼後更是風清月白初見說長安消息近却須高興謝鱸魚

題景思水芝亭

白蓮一  
名水芝

遠意閑千雲草幽不受塵來爲池上客本是社中人

此句一作

六

田氏

黃巖道中

兩日黃巖縣紛然百慮侵乍聽幽鳥語復起故園心冒熱度峻嶺憚勞休止林潮來知海近三島可能尋

過妙緣寺聽懷上人琴

斷澗復危岑紅塵且蒲襟疾驅觸炎熱小憩得禪林煮茗對清話弄琴知好音秋風不借便去轍已駁駁

行縣道中寄曾茲父

雲山初見非昔遊一瞬不許回雙眸二年伏州已強半七月行縣難罷休濺濺微溜響崇谷疑疑多稼光

盈疇兵厨願留一樽酒霜螯醉嚼期中秋

登寧和嶺

嶺屬寧海

初識寧和嶺有懷占夢時聞詩千里隔斷織九京悲草木應相記煙雲渾異宜西風襲懷抱淚睫不勝垂

懷孫邦求

酒開桑落泛觥觴行子驅車恨不留鴈塔自是丈人行麟臺更參儒者流官居二年有十月別思一日真

三秋冰輪今已可人意何時來賞城東樓

宿太龍

贈海上人

看山論舊事拂石認前題雨滑苔徑阻雲收松嶠迷

未詳之二

十

三秋文豹隱一夜寒蟬啼又復問程去清游懷虎溪

大龍山五詠用家君所和胡別駕韻

經藏

萬法俱一空忘筌亦忘字勿置蔭牙間回觀方寸地

龍祠

夾日授五飛論功中興主

龍公有五子建炎末護行幸有功皆封侯賜廟額

宛宛龍父尊茲山職霖雨

密室

小室坐蒲團死灰念不作所以護明珠精修企先覺

小池

山椒有龍湫清泉日夜流疏巖作方沼漱甘非外求

湯爐

解眼候松風雲腴挾霜月爐下豈常炎灰飛即煙滅

懷李氏昆弟二十韻

城南兩佳士英躔名碑砌相之妙才具玉筍班中闌  
胡爲剽長纓去去事輒輒舉之登詞壇龍虎榜未揭  
歸循南陔蘭不使芳馨歇曾中蟠五車一一思英發  
有中清廟瑟審聲知度越我來貳銀菟接袂俱墨髮  
情期膠漆堅門受車馬謁筆陣幾塵戰君盈我先歸  
別來勤相思十日倏飄忽遲明蒙囂塵畢景邁嶠崿

盜湖主二

八

戊

躋高怯肩輿挹秀欣拄笏泉清甘著屐巖幽冷榮骨  
西風勇波瀾極望際溟渤是中三神山縹緲雲出沒  
問津舊乘槎引丹今捨筏俛首傾縹瓷獨醉徑兀兀  
起看天宇開詩成走郵卒歸歟及中秋高樓共嘉月

宿廣潤寺書倫上人靈雲庵

靈雲禪師因桃花悟道有偈曰

三十年來尋劍客幾逢落葉幾抽枝  
自從一見桃花後直至如今更不疑  
寶地深深俯碧潭有僧酌茶延我談千巔狀秀躋風  
磴萬竹含翠藏雲庵西來指柏本無著一見悟桃湏  
再參登臨已是秋欲半霜葉枝頭纔兩三

摘星嶺

披山鑿道何嶮巇上摘星漢摩虹霓七襄終日往曾  
問一握去天今可躋叱馭已排蘿蔓去下車不復煙  
雲迷舉頭此際長安遠願借六翮凌丹梯

交翠亭

政和丙申 家君主寧海簿明年作交翠  
亭臯秋而某生後二十有八年某來貳郡  
事渝半行縣至此感舊懷遠賦詩二章

三十年中事鷗棲築小亭寒聲長新籜清閑拂疎櫺

之轉

時綠山濃遠處青重來動問詳此別記秋螢

三瑞堂

文

田

父矣馳魂夢今登三瑞堂故山有喬木近事話甘棠  
展驥慚充位占熊憶閭祥白雲留未去極望是吾鄉

留別縣僚

蒲城鼓吹出林坰重來思此日情共誰樓鸞留政  
迹自憐展驥塲家聲一時官侶推儒雅百里民編樂  
治平山意川容若相挽不堪整駕問歸程

過梁王寺書

家君祠堂

舊有道流妄引地記乞廢寺爲宮外

臺下其事於州州下之縣家君時攝邑事力爲辯明乃寢

生還未列麒麟畫舊德猶懷鸞鳳棲共翰林今孰  
似漂然肩宇染風馨

山行遇雨

天公作意轟雷霆風雨驟至神如兵  
翻手爲雲只俄頃舉頭見日尤精明蟻君一戰方奏凱鳩婦復還已和鳴稅駕欲投佳處所林間隱隱跾鍾聲

蔡瞻明公詩還行邑齋卷次龍謝之

涼秋野趣已蕭騷方駕看山念我曹十日空歸半海  
下一篇來況曲弥高詞華若我慚雖覽筆力惟公掣  
巨鼈欲作歌詩興協律清朝今日有王褒

酬李舉之用前韻見寄

閱盡千峰不憚勞歸來文墨厭官曹浮槎問漢秋期

近埋劍衝星夜氣高那復精思如吐鳳初無  
乘鶴詩壇軒輊歸題品濫得陽秋一字褒

懷字詩已得十二章請各賦其一以

紛紛吏道誇吹毛未肯留心效此曹象齒好爵降二妙  
鱸魚歸思羨三高吟毫未秃一千兔詩軸須聯十  
五鶩敢道嚴霜起中夏益知趁韻有龍褒

次韻蔡瞻明木犀八絕句

誰爲花王定等差清芬端合佩金犀上林他日移根  
去應記詩仙綵筆題

香清爲借三秋露  
葉亂秋風一葉立  
日風俯對猗蘭根  
寒

綠靜看飛葉隕輕紅

風流直欲占秋光葉底深藏粟藥黃共道幽香聞十里絕知芳譽亘千鄉

此花亦名  
十里香

笑含菊彩媚踈籬巧作葵粧旁曲池顏色從他矜速  
肖芬馨如此孰爭馳

心稟犀文饒地力體薰蟾影攀天香圖形好命丹青  
手繙句須煩錦繡腸

廣寒秋桂映天池休說當年折得時韻勝今逢巖下  
種價高寧斬橐中資

事愁逐江潮日日平

黃絹家聲映古今隨和發影驚詞林高樓宴坐清商  
晚獨向此花垂意深

盤洲文集卷第二



利潤

頂書

印鑑

項子京  
藏

次韻李相之觀溪張二首

愁霖方注射駭浪忍衝斜宿鳥行驚鶩遊魚目失蝦  
夕波奔折木春漲過桃花沸渭今如此誰乘犯斗槎  
風聲隨雨急水勢蒲川黃巨艦困澆泊窮閭悲混茫  
爲魚懷誰汭捷竹謝宣防共篠陰雲卷冰輪替戾岡

次韻酬丁致遠司戶

翰墨場中識面初珠璣粲粲似相如盍參多士登臺  
省却椽諸曹親簾書白社不妨閑泚筆赤城更好命

巾車寸心曲汨方共塞使讀新詩得翦除

次韻蔡晤江樓秋晚二首

斜照穿林迥歸雲歛岫遲螭文寒壁篆蜘蛛暮簷終  
待月是愁處對山無倦時掀髯阻談綺細讀寄來詩  
竹外秋風急樓頭夕靄微遺懷須命酒怯冷幾更衣  
嚴鼓禁城去輕舟劈浪歸登臨多少意墜葉浦庭飛

九日官舍種竹

獨整陳編對北牕煙雲渾欲助淒涼庭前且使竹交  
翠籬下從他菊自黃遠宦只今同旅泊壯懷誰復問  
行藏携壺已失登臨便不待吟恨夕陽

天台道中

灘臺因雨急山勢向雲斜橋綠誰能畫楓丹遠似花  
春鋤懷淺水郭索上寒沙漸聽鳴梭近林中三數家

赤城

平生幾讀興公賦今日霞標對赤城此是南門入山路  
山祇乞我一番晴

玉京洞

飈輪曾此宅靈仙洞府今稱第六天規徃不辭蘿蔓  
險回看雲物起瓊田

國清寺

卷五十三

二

紺宇今方盛名知國已清李邕寺記云皆者嘗夢定光曰寺若成國必清因以爲名  
萬松九里影雙澗四時聲賈島云山門九里松圓經云五峰回合雙澗紫  
抱天下四絕之寺杖策將窮覽巾車不計程登堂山更好人  
去曉猿鳴光老作更好堂方成而有旨移住靈隱時文室未有繼之者

清音亭

久坐俯潺湲流清詩悵跳珠鳴蘚石淙玉下松關  
此日耳塵靜幾人心地閑抽琴作新曲歸去要怡顏

禪林寺

振策使秋晴伽籃倚翠屏看雲不留瞬對竹已忘形  
銀地聲千載虹橋拱百靈至今鐘磬響如講淨名經

智者始至佛隴定光指此曰南峰金地我所居北峰銀此尔宜居之後講淨名經陳郡袁子雄見堂前有琉璃山梵僧數十掌香跨虹橋而來

### 山中阻雨欲登華頂峰而不果

昔聞天台山一萬八千丈層峰目華頂塊夢幾馳想  
竭來乘清秋明發將獨往小雨巧作難祥雲約仍爽  
風磴漬苔蘚霜崖亂榛莽崢嶸一何峻梯空不可上  
便思捐竹輿徐行倩藤杖老僧挹而言茲山韜萬象  
舉頭天宇逼寓目巖扉敞重溟倒寒影萬壑振幽響  
峽迥啼猿猱林高墮楂棖仙袂挹浮丘飄然頓塵網  
今茲風雨時煙靄接穹壤勁寒或薄人跬步迷俯仰

卷之三

不如遊石梁重來事真賞斯言既纏纏誠哉非我誑  
俗駕焉之回蕪音不堪榜寄聲山中靈心期空鞅鞅

### 石橋

縣磴跨幽崖奔流漱深壑宛然卧蒼龍巧謝鐫鑿  
萬木森前山笙竽真籟作長嘯斤桯來巢怖烏鵲  
葦苔助危梁下瞰心膽落橫前限翠屏峭壁旁如削  
於此判塵凡只尺遂綿邈飛錫躡空虛樓臺變林薄  
寶輝觀華燈金翰過神雀二年佐銅虎渠能解羈絡  
不真紫雲腴寒甌散葩萼昔事訂前聞詩成識層閣

### 雨中宿萬年寺

夢回深夜耿秋燈。泉竇爭流一味清過鴈不聞。天外  
影寒松長送枕邊聲。餐風可但久無賴急雨那能便  
寢行已問瓊臺雙闕路。此心何必羨層城。

閑上人覽巢亭

籃輿行盡白雲層來欸禪居得小亭亂石引泉歸曲  
澗寒風吹雨過中庭。四旁野色朝昏別一覽巖姿遠  
近青崖坐清園作何想光陰不復問堯蓂。

翟子忱吏部抱膝

主人垂歲抽華簪。隱居時作梁父吟。丁今松牕在人  
境空有蕙帳留煙。風來翠篠自搖。王秋着黃花仍

散金拂拭塵埃記行役興來命酒還孤斟

桐柏觀

屹然雙闕峙瓊臺。仰見彤雲郁郁開三井。窮源知海  
眼六符垂象應天台。徐靈府等台山記曰：上應三眼，其投淵其潤淵盡而不及底，或云海。台故曰天台。三井甚深，不測。嘗俗云：女人濯手而然。松杉滿道欣初遇芝朮。何年得自培。更聽鳴泉雜風籟。直疑笙鶴紫霄來。

衆妙臺臺有八稜柱，司馬子微朱漆書三軒道德經。

白雲仙蹟紀琅函。三體丹書寶翠嵐。欲問仕途今捷徑。  
不須高價借終南。

石道士妙聲堂

泉溜古今同臨流萬慮空採芝歸絕嶂添竹映疎叢  
影漾高秋月聲宜深夜風真清長在耳何用撫孤桐

仙壇院王子晉壇所

舊聞王子晉雲臥吹笙控鶴冲天去松風千古聲

天台觀

芝田環拱翠嵬流瀑高從天際來飛沫有風長是  
雪寒聲無口不如雷巖前八桂人誰折溪畔千桃路  
未開便覺山翁清晝永翻愁歸路染黃埃

劉阮洞

皇清文三

五

桃花當日未戎蹀躞有幽禽語翠微楚峽行雲空入  
夢秦臺鳴鳳要同飛仙家長若三春好人境何知萬  
事非訪問丘園荒舊迹却應回首悔來歸

贈謹國昌老

緩轡到禪窟談得細聽芬花泛輕椀煙篆度虛櫺  
門外雲千片相邀至悠然閣倦不克徃

幾日陟雲煙危峰懶着鞭聊將臨別意爲我謝悠然

明巖寺

路轉霞標外雲開綬帶前幾層山底屋一線竹間泉

洞口石孤聳巖頭峰倒懸故應風雨際行子總迴鞭

臨海記云寒山有石室前有立石參差如侍衛者悉五色遠望似綬古今相傳爲綬帶山

### 寒巖寺

峭壁挿青霄層巒護化城空中清磬發幽處慧燈明萬瓦足雲氣四簷無雨聲豐干不饒舌此地孰知名

### 寧國寺

幾日山南北端期汗漫游水痕秋雨過竹色晚煙收官海何時了僧半生少留却尋歸去路餘興謾回眸

晚發秦安驛

秋夢不能寐起行一徑迷小車驚宿鶩列炬誤鳴鷄

### 以糟蠅送曾守

冷覺霜華重光暗斗柄低金庭有佳處芳桂想幽棲太湖九月霜波寒郭索不幸逢漁蠅誰令骨醉糟丘裏使我涎流書卷間黃堂丈人思幼玉耳邊不復親絲竹一杯聊使破愁顏要遣詩情踵山谷

### 得景嚴弟書

徃年同入洛此日各監州慣見浮雲改相思野水流

有書將遠意何處話新愁莫爲癡兒事乾螢滿案頭

### 夢中送妙興寺僧

紹興十六年十月二十五夜夢息擔山中獨遊旁近

妙興寺欲回阻雨寺僧西指去是方霞彩如此少須必開霽田家常以爲占而東顧

凝陰雨下如注寺前高山樵徑中水爭下流  
予因並山而南復東折有橋長可二十許丈  
自深澗聳立巨松每五六步必夾橋蜿蜒枝  
幹俯就橋上若龍然謂之盤龍橋直東至所  
憇處時有一僧自妙興相從欲先去口占一  
詩送之既覺復夢携家登陸日既高而兒曹

尚告未辦家君命趣之見內子方梳櫛而董  
氏妹解篋授予衣遂侍家君偕景嚴景盧弟  
步尋近境至一橋畔指西隅有小寺欲往予  
視所取道頗協向所經行因話前夢而二弟  
輒行而家君強之使往疑若彼寺有先世豪  
葬其間者家君杖策命一兵張蓋旣登岸予  
踵而前斯橋危甚因返顧二弟勿偕未至妙  
緣而寤欲驗他

西望霞光東望雲劃然晴晦此區分小橋過盡盤龍  
險回首高人多謝君

次韻曾宏父探梅未開

王制二十三

七

三空

梅枝渾待雪山意漸呼風欲索簷間笑那憂徑外窮  
英辭窺玉翠拙司媿雷同只恐花開日綸言下法宮

招曾宏父待雪

欲把詩催雪先將酒送寒凍雲芳作意微霰已開端  
目斷鄉城遠心驚歲事闌擬同今日醉待取玉花看

次韻錢處禾運使郡齋晚集

風聲止雨歲云暮雪飛兼雲晝欲昏共喜高軒歸別  
墅青臨畫戟對清樽埋輪前事空跡路授簡英辭踵  
兎園是處梅花寢消息更憇玉藻爲招魂

遊蓋竹洞

曉出山城故著鞭荒荒寒日薄晴川幽棲未卜誅茅地乘興來登蓋竹天霜凝轍陰崖疑積雪雲躡重障雜飛煙洞門今古無關鍵俗客那能見列仙

仙居道中

雪夔方瑞膈雨勢欲凋年此日信泥軾來風侵坐氈爲官渾漫爾行邑又徒然爲報仙居令無勞負弩前寄吳明可正字

歲晚仍多病春來尚異鄉愁城誰與破談壘漫相望體怯山嵐重心隨驛路長後亭梅若放爲寄一枝香

次韻范二  
亦雲士同訪曹功顯

明朝春琯欲飛葭  
強裏重看舞雪斜筆下百篇非事業樽前一醉即生涯初疑萬柳狂吹絮却伴寒梅好放花踏凍不辭方駕遠閑門留客更誰家

憶梅呈曾宏父

重憶東城路盈盈十里梅彌旬阻風雪幾處雜塵埃已是春移律何時酒泛杯好花那忍落直待使君來

題王氏秀野堂

飽聞居處好遠意使心魯樹接高低影山分朝暮容佳時能自適閑客幾相從勿訏題詩晚新來百事慵

青編送似補山房妙語相酬掩夜光益雍不須晞吏  
部將軍何日命元方

盤洲文集卷第三





